庫全書

子部

致定四庫全書 子部

詳校官中書長孫 洛

主事臣祁爾士覆勘

校對官助教 日上維古 腾録監生 B

總校官降調編修臣拿取脉

濂

文記司臣 Cas 問題は他の意味は自己は同 **医阿斯尔克氏** (3) 69 88 53 山堂肆考 相須而後成也真西山 婦之道在敬身以承其 彭大縣 撰 漢張做字子高河東平陽人守京兆無威儀時罷朝走 雖在田野問相對如賓 相待如賓白與之歸言諸文公日敬德之聚也能敬必 三國常林性好學漢末為諸生帶經耕鋤妻自擔餉之 有德德以治民君請用之文公以爲下軍大夫 左僖三十三年初季白使過冀見冀缺耨其妻饁之敬 畫眉 相對如宥

金万四屋台書

卷九十四

馬章臺街使御吏驅自以便面扮馬又為婦畫眉長安 唐賈直言妻董氏直言坐事貶嶺南以妻少年與之訣 日死生不可期 吾死可别嫁董不答引繩束髮封以吊 大位 傳京兆眉姓有司奏敞上問之對曰臣聞閨門之內 婦之私有過於畫眉者上爱其能弗備責也然終不 署髮

Na. Dona like

直言署曰非君手不解直言貶二十年乃還署帛宛

山堂肆考

動定匹庫全書 然及以湯沐之髮墮無餘 東漢樊英有疾妻使婢拜問英下狀答拜陳寔怪問之 下牀答拜 卷九十四;

免冠自責

東漢仇香雖燕居必正衣服妻子事之若嚴君妻子有

又骨何曾陽夏人閨門整肅自少及老無聲樂嬖倖之

遇免冠自青妻子庭謝思過必俟香冠妻子乃敢升堂

英日妻者齊也供奉祭祀禮無不答

見太常卿 マニシシ ニュ 好與妻相見以正衣冠相侍如賓已南向妻再拜上酒 東漢朱浮字叔元為彭龍所攻携妻逃走恐不能脱乃 酬酢既果便出一歲不過再三 下馬剌殺其妻僅以身免 娶罵已 刺妻逃難 怒妻干齋 山堂肆考 <u>ج</u>

感知已也 **多定匹庫全書** 東漢馮行傳人有挑其鄰之妻者其長者罵之其少者 唐王義方泗州人魏徴異之欲妻以夫人之姪女義方 人欲其報我在我欲其罵人 之後其夫死而娶其長者或曰夫非罵爾者耶曰在 不敢俄而徵薨乃娶之人問其故曰初不附宰相今 娶 孔明擇醌 知已


蜀漢黄承彦沔南名士也謂孔明曰聞君擇婦家有醮 東漢張湛字子孝矜嚴好禮居處以自修整雖遇妻子 唐崔颢字亭伯娶妻惟擇美者俄又葉之凡四五娶 女才堪相配孔明許婚即載送之諺曰莫學孔明擇婦 正得阿承醜女 遇若嚴君 崔颢娶美

若嚴君

欠三日后 八丁

山堂肆考

Ŋ



言引至其居設食具言其故出半鏡以合之仍題詩寄 尚冀相見乃破鏡人分其半約他日以正月望日賣于 古今詩話陳太子舎人徐德言尚後主叔賓之妹樂昌 月 樂昌曰鏡與人俱去鏡歸人不歸無復嫦娥影空留明 公主陳政方衰謂妻曰國破汝公入權豪倘情緣未斷 至京師遂以正月望日訪于都市有養頭賣半鏡者德 都市及陳亡其妻果爲楊越公素所得德言流離辛苦 輝樂昌得詩涕泣不食素知之愴然改容即召德言

て・17

ひとぞり

日歲晚必得力及聞先主鎮金陵囊文以往錫齊期 江南野史周彬不治財產服膺儒學其妻當讓之日汝 以所賜金帛陳列于庭謂婦曰今比諸兄弟何爲勝 家兄弟能力稼穑囊箱豐溢汝不治財産後將奈何答 多定匹庫全書 ■ 江南竟以終老 還其妻仍與德言夫婦錢飲令樂昌爲詩曰今日何造 新官對舊官笑啼俱不敢方信作人難遂與德言歸 陳金誇妻 卷九十四 摩

號口比肩人後夫妻卒合葵處生梓樹同根二身相抱 妻曰男子之事非婦人女子所能知也 爱慕吴人又呼爲小比肩 合成一樹孫權封曰比有墓後其子弘與妻蘇氏亦相 一異記吳都海鹽陸東美妻朱氏有容止寸步不相離 寸步不離 竟日對飲

次已日東上

山堂肆考

齊沈文季能飲酒五斗妻王氏亦至三斗文季爲吳與

太守常與妻對飲竟日而視事不廢 婢以錢遠牀下不得行夷甫晨起見錢闌行呼婢曰舉 骨王行字夷甫常嫉其妻貪口不言錢字婦欲試之令 嫉妻好貪

多分四是台灣

卷九十四

此阿堵物

勘妻忍貧

晉山濤初為布衣家貧謂其妻韓氏曰忍饑寒我後當

作三公但不知卿堪作夫人否及濤榮貴貞慎儉約雖

湖陽公主新寡光武與共論朝臣微觀其意主日宋公 爵至千乘而不蓄媵妾 不棄糟糠

謂曰諺云貴易交富易妻人情乎弘曰臣聞貧賤之交 威容德器羣臣莫及後弘被引見帝令主坐屛風後因

不可忘糟糠之妻不下堂帝顧謂主曰事不許矣

唐尉遲恭字敬德太宗謂曰朕欲以女妻卿何如敬德 不易鄙陋

次已日日本

山堂肆方

×

富不易妻此非臣所願也帝乃止 氏有美色琰疑其與後主有私呼卒伍百過胡至以履 蜀劉琰妻胡氏入賀太后太后特留胡氏經月乃出胡 妻之人面非受履之地琰竟奪市自是大臣妻母朝 頭謝曰臣妻雖都随相與共貧賤臣雖不學聞古人 面而後奪遭之胡具以告琰坐下獄有司議曰卒非 履搏妻面

慶遂絶

多公四届台電

卷九十四

羞 見將帥上 疾不就刑 屈 于範範謂妻日我寧作卿向三公長跪不能爲日子受 妻口君前在東座欲擅斬徐州衆人謂君難爲下今 為日屈難為上也範怒以刀環擊妻妻傷胎死範 略桓範為其州牧屬鎮北將軍吕昭所制昭才名遇 引弓射妻 刀傷妻胎 稱

欠己日早 A.S

山堂肆考

過為苛酷而有散灰為户之事時謂如癡 唐李益與李賀齊名然少有癡病而多猜忌防問妻妾 湖遺事李戴仁性迁緩非禮勿動娶問氏年甚少與 謝 局户防妻 到

之異室私約日有與則見忽一夕聞扣户聲小監報院

君欲見大監戴仁遠取百忌歷燈下觀之大驚日今夜

魁在房不宜行事傳語院君謝到閻氏慙怒而去

金月四月日日

卷九十四

袖聚香團食之 太守仲端畏妻不敢延客謝浩謁之坐久饑甚端入内 大江西書生怪而記之後家書至妻有一首詩與夢中 筆寫詩云數日相望極須知意思迷夢魂不怕險雅過 昔有書生娶後遊太學久不歸一夕夢返其家見妻·東 所見無異夢之夕乃發書之日 夢歸 袖食香園

欠二日三 1.1.

山堂肆考

以詩戲云誰似龍丘居士賢譚空說有夜不眠忽聞河 蘇東坡滴黄州與陳慥季常遊季常自以飽禪學而妻 東獅子吼拄杖落手心茫然按龍丘季常道號柳郡望 柳氏煩悍季常畏之至或訪罵未己聲達于外東坡因 河東益借用傳燈銀河東獅子吼之語也 禮郊特壮婦人者從人者也幼從父兄嫁從夫夫死 手落柱杖 妻

金好四月全書


卷九十四;

禮哀公問孔子曰昔三代明王之政父敬其妻子也有 道妻也者親之主也敢不敬歟子也者親之後也敢不 從子曹大家日女子之事夫也纜笄而朝則有君臣 之度 之嚴沃與饋食則有父子之敬報反而行則有兄弟 之道受期必誠則有朋友之信言行無玷則有理家 親主

欠かりられない!

山党肆考

†



晉文公爲公子時與趙衰奔狄狄人代唐谷如獲其二 晉公子之從者皆足以相國若以相夫子以反其國及 其國以得志于諸侯得志于諸侯而誅無禮曹其首也 左傷二十三年晉公子重耳過曹傷百羈之妻日吾觀 女权隗季隗納諸公子公子取李隗以权隗妻衰衰生 子盍垂自貳馬乃餽盤豫寘璧馬公子受豫反璧 請貳重耳 請迎叔隗

欠己日中心了

山堂雕考

金好四月 全書 爱子也微君姬氏則臣狄人也何以至此成公許之 不顧 而忘舊不義好新而慢故無恩與人動于隘死富貴而 盾及返國文公復以女妻之別號趙姬生原同屏括 讓思請 姬請迎盾與其母叔隗而 下之以叔隗為內婦姬親下之及盾為正鄉思趙姬 許諾乃迎叔既與盾來姬以盾賢請立爲嫡子使三 無禮 君棄此三者何以使人雖妄亦無以侍巾 以姬之中子屏括為公族大夫日君姬氏之 卷九十四 納之衰解不敢 姬日得龍 櫛 樓

欠日日本 戰國樂羊子行路得遺金一舒還以與妻妻日妾聞志 妻以戒之曰盜僧主人民惡其上子好直言以及于難 左成十五年晉三部害伯宗替而殺之初伯宗每朝其 士不飲盜泉之水廣者不受嗟來之食况拾遺求利以 污其行乎羊子大慙乃捐金于野 戒夫汚行 戒夫直言 恥夫氣楊 山堂即考 t

金分四周台電 世記看山濤與嵇阮一面契岩金蘭山公妻韓氏覺公 與二人異子常交問公公日我當年可以為友者唯此 自下者今子為人僕御乃意自以為足是以永去其夫 策駟馬意氣揚揚自得也既而歸其妻請去問其故妻 日夫晏子相齊名廟諸侯今觀其出志念深矣當有以 自抑損晏子聞而薦為大夫 女傅晏嬰相齊其御者之妻從門問窺其大雅大益 知夫度勝

樂羊子遠尋師學一年來歸妻跪問故羊子曰久行懷 思無他異也妻乃引刀斷機而言曰此織生于盤繭成 度相友耳公曰伊葷亦常以我度爲勝 忘返公入日二人何如妻日君才致殊不如正當以識 日二人來妻勘公止之宿具酒食夜穿墉以視之達旦 二生耳妻曰百輯之妻亦親觀孤趙意欲窺之可乎他 斷機

とこうい ここ

于機杼一絲之累以至于寸累寸不已遂成丈匹今若

山空律号

言復往終業七年不返 所亡以就懿德若中道而歸何異斷斯織也羊子感其 舉衆

多定匹庫全書

断斯織也則損失成功稽廢時月夫子積學當日知其

老九十四

東漢梁鴻字伯鸞扶風人家貧不娶同縣孟氏女狀貌 配而黑力能舉石白擇對不嫁父母問故答日欲 如梁伯喬者鴻聞而聘之及嫁以姓飾入門七日而

得

肥

鴻不答妻乃跪牀下請罪鴻曰吾欲得喪褐之人可與

異之合之于家以賓禮重之按案即盤也古詞青玉案 觀子之志耳妄自有隱居之服乃更為椎髻着布衣操 俱隱深山耳乃衣綺編傳粉黛豈鴻所願哉妻日将以 亦是青玉盤或以案為泉非也 作而前鴻大喜曰真渠鴻妻也名之曰德曜字孟光乃 入灞陵山中以耕織爲業後適吳依大家皐伯通居 下為負春妻每饋食不敢仰视舉案齊眉伯通察而 烹伏雌

欠己日日 公告

山堂肆考

十四

時烹伏雌炊處房今日富貴忘我爲尋問之乃其故妻 金月四月日 也遊復為夫婦注云門關謂之處房或作約移處房歌 後奚為秦相堂上樂作所債養婦自言知音呼之因援 風俗通百里奚去虞將適春其妻以門關烹雞母錢之 南史衛敬瑜妻王氏彌陵王整之妹也年十六歸敬瑜 有三曲此其一也 琴撫絃而歌名處房歌其首章曰百里奚五羊皮憶別 緊狐燕

周章哀鳴家人語曰王氏死矣墳在南郭燕遂至墳所 雙飛自此秋去春來凡六七年後王氏病卒明年燕來 以詩日昔時無偶去今春又獨歸故人恩義重不思更 其足曰新春復來爲吾侶也明年果至猶帶前縷因贈 悲鳴至秋乃翔集王氏之臂如告别然王氏以紅縷繋 不許當有雙熊巢于梁一日雄爲鷙鳥所傷其雌孤飛 死每風清月白人見王氏與燕同遊灞水之上或曰

敬瑜溺水死王氏守志父母舅姑欲嫁之乃截耳為誓

とこうことと

山堂肆考

盍

多反匹庫全書 織畚王曰守國之孤願先生臨之老來子曰諾王去有 肉者可陷以鞭棰可授以官禄者可隨以鉄鉞今先生 答曰楚王願使吾守楚國之政妻曰妾聞之可食以酒 間其妻載畚懷薪而來謂老菜子曰是何車跡之多也 楚老菜子逃世耕于蒙山之陽楚王駕至門老菜子方 王氏即姚玉京玉京乃王氏乳名加姚者從母姓也 棄备俱隱

食人之酒內受人之官禄此皆人之所制也居亂世而

肉因此而殉楚國之憂可乎 楚莊王聘北郭先生先生曰臣有箕幂婦願入計之其 見公姑媳婦 妻曰結腳連騎所安不過容膝食前方丈所甘不過 為人所制能無患乎因奪為而去老來子隨其妻而隱 青夫偷生 挽車同歸 勸夫辭聘

欠己日本と言

山堂肆考

ተ ታ

金牙四屋石書 子曰吾非爱身也我今日自殺者誅其妻子是以不死 敢有自殺者妻子盡誅丘子不自殺其妻責以不死丘 晉偏將丘子妻蓋人也戎伐蓋殺其君令于蓋羣臣曰 之行可謂賢乎吾不能與子蒙恥而生馬遂自殺 仁義背故君而事暴强可謂忠乎人無忠臣之道仁義 乎多殺士民不能存國而自活可謂仁乎憂妻子而忘 其妻曰主憂臣辱主辱臣死令君死而子不死可謂義 諫夫貪富

晉平公使弓工治弓三年乃成平公引弓而射不穿一 陳夫有勞

見霧

札公怒將殺之弓人之妻繁人之女也請見平公曰妾 之夫治造此弓亦勞矣其幹生于泰山之阿傳以熊牛

之角纏以荆麋之筋糊以阿魚之膠此四者天下之妙 也而不能穿一札是君不能射也而反欲殺吾之夫

不亦繆乎妾聞射之道左手如拒右手如附枝右手發

2.10 % 1.15 W

山堂华参


多定匹庫全書 魯人聞之不敢復求 鲁陶明女陶婴少寡養幼孤無强昆弟紡績為座魯人 其夫立得出且賜金三鎰 韓恐戰國時為楚康王舍人妻何氏美好康王欲奪之 開其賢將求之嬰乃作黄鹄歌明已志之不更二適也 之左手不知此蓋射之道也平公如其言而射穿七礼 黄蝎歌 烏鵲歌

此韓大夫之精魂也墓今在開封府 遺書于帶中曰願以屍還韓氏合葵王大怒合分埋之 上又有鳥如為為常雙棲其树朝夕悲鳴人皆異之曰 两塚相望經宿忽有梓木各生于塚根交于下枝連于 其衣與王登臺處自投下左右捉衣衣不勝手而死得 首 乃築青陵臺而望馬後竟奪何囚憑何乃作鳥鵲歌二 以見志又作書以答其夫憑得書遂自殺何即除留 止夫聘妾

欠こコライントラー

山堂肆考

<u>t</u>



明馬 别日棄妻斤女数白實生果賤鄙陋不如貴人妾日以 漢竇玄形貌絕異天子以公主妻之舊妻作書與玄告 遠彼日以親何所控訴仰呼蒼旻 見而悅之置酒欲奪之羅敷善彈筝作陌上之歌以自 崔豹古今注邯鄲有美女姓秦名羅數為邑人千乗王 仁妻仁後為趙王家令羅敷出採桑于陌上趙王登臺 與書告别

てこうし ここ

山東津考

1

多定匹庫全書 **吊齊侯乃吊其室按把梁即把殖** 辱命馬若免于罪猶有先人之敝廬在下妄不敢與郊 察皆戎服庭超峘以前輩取為此禮入告其妻韋氏章 令狐峘為吉州刺史齊映庶察江西故事刺史始見觀 左襄二十三年齊莊公襲吉吉子親鼓之從而伐之獲 梁齊侯遇犯器之妻于郊使形之辭曰殖之有罪何 恥夫庭趨 铟君郊弔 ,

晉吳隱之爲晉陵太守妻自百新 前 南史朱百年妻孔氏亦有高行百年卒于山中祭興宗 見映映憾奏貶爲衢州别 氏亦以庭謁為非謂與曰卿自視何如人頭白走小生 柳如不以此禮見映即點死我亦不恨與乃以客禮 角新 辭 餉 駕

次記回車を与

爲會稽太守的米百斛孔氏遣婢詣郡固辭時人美之

山堂肆考

〒

願與子婦不受胡歸其母呼婦至乃採桑者也婦因數 胡曰見色素金而忘其母大不孝自縊而死 魯秋胡納妻五日官于陳後歸見路旁美婦採桑秋胡 下車口力田不如逢少年採桑不如見青郎我有黄金 以比梁鴻妻 誠夫對君 青夫忘母

分り日月月日

卷九十四

世說許允為吏部郎多用其鄉里魏明帝遣虎賁收

得其人于是乃釋允帝見允衣服敗壞韶賜新衣初允 待頃之允果至 檢 之其婦阮氏出誠允曰明主可以禮奪難以情求既至 墳墓 校為稱職與否若不稱職臣受其罪既而檢校皆官 收舉家號哭阮新婦自若云勿憂尋當還作栗粥以 數問之 允對日舉爾所知臣之鄉人臣所知也陛下 恥夫貧窘

ターラー した

山堂郎考

Ē

漢王章字仲卿家貧與妻俱病冬月無被即牛农中游 母定匹庫在書 泣及成帝 時章為京兆尹欲上封事妻止之曰人當 知 東漢蔡邕之女琰字文姬初適衛仲道夫亡無子因歸 麻為之俗呼為龍具 止不記牛衣中涕泣時耶不從竟死獄中按牛衣編亂 泣妻怒呵曰京師尊貴者誰如仲卿不自情激乃反涕 蓬首請罪 怒夫涕泣 米ルナロ

諸 姬. 不能忘情于二子爲作悲憤詩一篇後祀犯法當刑文 金壁重胳贖之重歸于屯田都尉董祀琰自傷失節又 寧為胡騎所獲在左賢王部十二年生二子當春月登 哀泉為改容操日誠為相释然文狀已去奈何文 請操請之時賓客滿座操謂日蔡伯喈女在外今為 殿感笳音作胡笳十八拍曹操素善邕痛其無後以 君見之文姬進蓬首徒行叩頭請罪音解清辨旨甚

とこうき とと

日明公廐馬萬匹虎士成林何惜一疾足不救垂死之

山堂肆考

主

以成名 學每有不善報流涕進規升感激自勵乃尋師遠學遂 東漢皇甫規妻善屬文又能草書規卒董卓以厚禮聘 吳許升妻吕氏之女升爲博徒不理操行妻嘗勸升修 命少操感其言乃特原祀 大罵董卓 流涕進規

之妻乃詣卓門自陳卓使侍者拔刀圍之妻知不免大

多定四周分章

卷九十

東漢黄昌會稽餘姚人為蜀郡太守初昌為州書佐其 頭懸乾軟朴交下妻謂持杖者曰速盡為惠遂死車下 犯事婦乃詣昌自訟昌疑母不類蜀人因問所由對曰 才為漢忠臣君其走吏敢行非禮卓乃引車庭中以其 歸寧遇賊被獲流轉入蜀為人妻生子而夫卒其子 復認黄昌

罵曰君羌胡之種毒害天下猶未足耶皇甫氏文武上

2.17.11

妄本會稽餘姚戴次公女州佐黄昌妻常歸家爲賊所

山堂肆考

Ī

曾自言當為二千石昌出左足示之相持悲泣復為夫 偽勸郭奕

東漢陰瑜妻荀氏名采願川荀爽女也采産一女而瑜

卒後同郡郭实喪妻與以来許之因詐稱病篤名米米 不得已而歸懷及自誓爽令侍婢執奪其及扶抱載之

既到郭氏偽為歡喜之色乃使左右建四燈與实共譚

掠遂至此昌驚曰何以識黄昌耶答曰左足心有黑子

多定匹库全書

卷九十四:

除氏字未成恐人來乃以衣帶自縊而死 浴既入室而掩户權令侍人避之以粉書扉上曰屍還 言解不報实敬憚之遂不敢逼及曙而出米叱左右辨 不樂王郎

变日王郎逸少之子不惡汝何恨也答曰一門叔父則 世說晉王凝之妻謝道韞奕之女也初適凝之甚不樂

阿大中郎羣從兄弟則有封胡過末不意天壤之中

有

次足四車全書

乃有王郎按謝氏尤彦秀者稱封胡遏末封謂謝韶胡

山堂肆考

Ē

宋鮑蘇妻女宗養姑甚謹蘇仕衛三十年娶外妻胳遺 卒惟玄以功名終 謝明遏謂謝玄末謂謝淵皆其小字也部明淵皆早 不專夫愛

まられた とうて

甚厚女宗之如謂日可以去矣女宗曰何故如日夫人

為順豈以專夫室之愛為善哉且七出之條如正為首

有所好子何留乎女宗日婦人以專一為貞以善從

吾如不教吾以居室之禮而反欲使吾為見棄之行將

皆其積也百姓皆其戰士也不若請募死士為堅守計 曹操問蔡文姬日聞夫人家多墳籍猶能憶識之不文 賊遂退而縣卒完侃得選太平令 欲逃歸其妻楊氏曰縣不守則地皆賊地也倉廪府庫 唐建中末李布烈謀襲陳州時李侃為項城令以城小 安所用予宋君聞之表其問號曰女宗 不聽夫逃 姬寫書

KINDIN LIKE

山堂肆考

素褥坐帳中劉束修整帶造于別楊夫人風韻高邁叙 柳聞其名請與譚義夫人素聞劉名亦不自阻乃簪髻 絕書送上文無遺誤 晉王凝之為孫思所害謝夫人道監接居會稽太守劉 日妾聞男女之别禮不親授乞給紙筆真草唯命于是 誦憶裁四百餘篇曹公言當使十吏就夫人寫之文姬 姬曰昔亡父賜書四千許卷流離塗炭罔有存者今所 道點譚義

多定匹库全書

史通東漢一代賢明婦人如秦嘉妻徐氏動合禮儀言 迪每輕之柳云卿讀書雖多而無所解可謂書麗矣 叔惠南陽人劉喬之自孫少登清官歷尚書左右僕 云親從凋亡始遇此士聽其所問殊開人心胸按柳字 而嘆曰實頃所未見瞻察言氣使人心形俱服夫人亦 右丞傅廸好廣讀書而不解其義柳唯讀老子而已 合禮儀

清雅先及家事慷慨流連徐酬問旨詞理無滯劉退

とこうこと シュー

山堂肆秀

丟

成規矩者鮮美按嘉字士會雕西人 前妻餉于後 名方欲自顯于天下終不以私嫌殺君明矣可自囚詰 吳丹陽尹李衡數以事侵鄉那王其妻習氏諫之不聽 及王即位衡憂懼欲奔魏妻曰不可瑯琊王素好善慕 晉陶湖明不仕宋妻翟氏與之同志能安勤苦夫耕于 能安勤苦 勸夫詣獄

剑定匹庫全書

卷九十四

N. 17 .. 1.1. 見父 衡 六帖劉遐妻邵續女也驍果有父風遐為石季龍所園 **献表列前失顯求受罪乃當逆見優饒非但直活而已** 妻單將數騎拔出退于萬人之中 其遣還郡 如妻言果部日丹陽尹李衡以往事之嫌自居囚獄 王妻志行 拔夫出圍 しどずら

多定匹库全書 東漢司徒袁隗妻馬倫是馬李長女少有才辯李長家 袁妻才辯

世豐豪裝遣甚盛初成禮限問曰婦奉箕帚而已何乃

鴻之高妄亦請從少君孟光之事矣既言弟先兄舉世 過珍麗子對日慈親垂愛不敢逆命君若欲慕鮑宣梁

以為笑今處姊未適子先行可乎對日妾姊萬行殊邀

未遭良匹不似鄙薄苟然而已應又問南郡學窮道與

文為解宗而所在之職輔以貨財為捐何耶對日孔子

此固其宜耳隗默然不能屈按季長馬融字 大聖不免武叔之毀子路至賢猶有伯察之勉家君獲

怨夫自傷

将軍留鎮襄陽沿携寵姬趙陽臺以往蘇氏怨之不肯 女也年十六歸滔滔甚敬之行堅冠襄陽以滔爲安南 持秦齊滔妻蘇氏名蕙字若蘭陳留令武功道質第三

與俱而滔竟與斷音問後蘇氏悔恨自傷因纖錦為迴

·玻璣圖詩凡八百四十字縱横反覆皆成文章詞甚

欠記日日とい

山堂肆考

Ē

赦羣臣成朝見既出帝獨留秀從容謂曰天下曠蕩蒯 懷惋因以寄滔滔覧之感其意于是迎蘇氏來襄陽而 子秀大不平遂不復入蒯氏大自悔責請救于帝時大 金牙巴尼台電 世就孫秀降晉武帝妻以姨妹蒯氏蒯嘗妬罵秀爲貉 歸陽臺于關中恩好愈篤 夫人可從其例否秀免冠謝遂為夫婦如初 願夫還鄉 罵夫自悔

早還鄉 雙垂淚拂杵調砧更斷腸繡作龜形獻天子顧教征客 重理推聞為幾回修尺素見霜先為製衣裳開箱叠練 唐會昌中有邊將張揆防邊近十年其妻侯氏繡廻文 龜形詩詣闕進之詩曰叛建已是十秋强對鏡那堪 羞夫下第

とこうご こと

良人的的有奇才何事年年被放回如今妾面羞郎面

山堂肆考

Ē

唐杜羔妻劉氏善詩羔累舉不第將至家妻先寄詩曰

意何貴義輕身如此桓氏曰先君五更引為帝師男以 多反匹库全書 男十五而殀乃則其耳以自誓宗婦愍之曰若家無他 漢劉長卿妻桓鸞女生一男五歲長卿卒遠嫌不歸寧 君若來時近夜來又宋毛友龍字達可未第時其妻寄 秦策不識如今古在無 口剔燭親封錦字書擬憑歸惟寄天隅經年未報 氏則耳 卷九十四

忠孝女以貞順稱是以豫刑以明我情耳又唐房玄

八帖李德武妻裴氏以孝聞徳武坐事徙嫡南将行 /盧泣入帷剔一目以示無他後玄齡疾愈禮敬終身 裴氏斷髮

時且死謂妻盧曰吾病革汝年少不可寡居盖事

裴氏嫁方踰歲父矩上表欲離婚徳武謂裴曰我既

無還理君必儷他族于此長訣矣答曰夫天也可背乎

死無他後十年徳武尚未還矩决意欲嫁之裴斷段

不食示無他志矩知不能奪聽之後徳武于貶所復娶

大足四重大馬 一

山堂牌考

繭朱氏及敖還聞裴全節遣去後妻與裴為夫婦如初

後載既得罪代宗欲今王氏入宫備形管箴規之任王 **嘆曰王家十三娘二十年太原節度使女十六年宰相** 唐宰相元載夫人王氏韞秀少有識量節槩聞于掖庭

妻誰能書得長信昭陽之事即得罪亦幸矣堅不從命 按通鑑及劉昫唐書俱謂元載妻是王忠嗣女及范摅

雲漢友議又云韞秀王縉相公之女右丞維之姪女初

師屢陳時務深契上古肅宗擢拜中書蘇鷄杜陽雜篇 不増學吾所有奩幌資裝盡為紙墨之貲自此元到京 亦以韞秀為縉女 公鎮北京以韞秀嫁元載久而見輕韞秀謂元曰何 祖徳儒風

唐元和未范傳正為宣歙觀察使訪李白子孫獲孫女

人已可奉合作

郡庭相見衣服村落形容朴野而進退聞雅應對

山堂肆考

<u>‡</u>

為陳雲之妻一為劉勸之妻皆編戸��也因名

年不禄有兄一人出遊一十 如在儒風宛然問其所以則曰父伯禽以貞元 年不知所在父存

あられてんろう

卷九十四

官父沒無名有足不相保為天下窮人無桑以自盤 食何所仰給儷子農夫救死而已言訖淚 |杼無田以自力非不知稼穑况婦人不任而

因告 以将改適士族二女曰夫婦之道命也亦分也

面目見大父于地下欲敗其類所不忍聞傳正

既失身于

俚仗威力乃求接于他門生

嘆 雲漢友議南楚材旅遊似無返舊之意其妻薛媛知之 とろうう シトラー 出難恐君渾忘却時展畫圖看楚材遂歸夫婦如初 寶鏡寒已驚顔索莫漸覺屬週殘淚眼描來易愁腸寫 五代王疑為號州司戸泰軍卒于官疑家貧一子尚幼 乃對鏡自圖其形并作詩以寄之曰欲下丹青筆先拈 對鏡圖形 引斧斷臂 山堂牌考

者環聚而嗟之開封府尹聞之白其事于朝官賜樂封 臂而出之李氏仰天長慟曰我為婦人不能守節而此 妻李氏編其子歸過開封府逆旅主人見婦人 子疑之不許其宿李氏見天色已暮不肯去主人牵其 唐盧录暮年為校書郎晚娶崔氏有詞翰結縭之後微 瘡厚恤李氏而笞其主人 手為人執耶不可以手并污吾身即引斧自斷其臂見 嫌夫年暮 人獨攜

多方四月全書 ·

老几十四

時 致時人莫不譏笑之 夫交而有孕後生男名肚國忠曰此夫妻相念情感所 大不怨盧郎官職甲自恨妾身生較晚不及盧郎年少 天寶遺事楊國忠出使江浙其妻思念至深忽夜夢與 有嫌色盧請賦詩述懷崔立成一絕云不怨盧郎年紀 美冠古今 思夫夢交

こうしいこ

しきずら

失 唐白樂天作元夫人墓志昔漆室緹紫烈女也及為婦 經女美如此婦德母儀又如此三者具美可謂冠古今 氏之親賢母也為女為婦時亦無聞今夫人為女則孝 則無聞伯宗梁鴻之妻哲婦也及為母則無聞文伯孟 友為元氏婦則豐潔家祀為母則執書該二子皆已通 妻髙氏筆書道麗不類婦人歐陽公云予集古録 名著金石

一 飲定匹庫全書

得免 國賊指日将敗君宜遠之敏從其言俊臣怒出為武龍 令敏欲不往妻曰速去勿留後俊臣敗其黨皆流敏 唐士林令侯敏素韵事來俊臣其妻董氏戒之曰俊臣 已博矣而婦人筆畫名著于金石者髙氏一人而已 勸夫立功 戒夫遠禍

唐薛仁贵妻柳氏曰夫有髙世之才要殉遇時乃發今

吹定四車全十

山堂肆考

声四

自顯乎仁貴從之 天子自征遼東求猛将此難得之時也君盍圖功名以 南宋劉穆之字道和家貧住妻兄家乞食多見辱其更 江氏每禁不今任移之猶往食畢求檳榔江氏兄弟戲 的移之自此不敢對夫梳洗及移之為丹陽尹召妻 密餉肴饌 柳消食君何需此妻客為截髮市肴饌為其兄弟

兄弟飲至醉以金盤貯檳榔

解送之

婚值朱泚亂震夫妻死無雙沒入掖庭像客後二年 昔有人居上庠者其妻作詩寄鞋被云細被官鞋巧樣 塵 太平廣記唐劉震之女無雙幼許配其甥王像客未成 新殷勤寄與讀書人好將穩步青霄上莫向平康謾惹 没入掖庭 特寄獲鞋

史已日奉公告 一

京遇舊蒼頭塞鴻人得無雙婢採賴與居後為富平縣

山堂肆考

Ĭ

金人正是 白書 夜 富平縣古押衙人間有心人若能求之我與即君可復 汝為我一窺可乎因今塞鴻假為驛吏者若篇外至 中像客謂塞鴻曰我聞掖庭多衣冠子女恐無雙在 知長樂驛累月忽報中使押內家人往園陵灑掃宿 郎君塞鴻如其言果得書送像客書後云勅使嘗説 深忽閱簾下語曰塞鴻即健否言記嗚咽塞鴻曰 知此驛今日疑娘子在此令塞鴻候問無雙曰我 久語明日我去後汝丁東北舍閣中紫磚下取 卷几十四 郎

襄節間 五代朱全忠夫人張氏多智略全忠敬憚之雖軍府事 以與像客救療得愈押衙亦自盡像客與無雙偕老 **恭議軍事**

其藥服之即死三日復活因令採弱假作中使以無雙

相見像客遂請解驛務尋訪押衙押衙求茅山道士樂

為逆黨賜此樂令自盡三日後託以親故以百練贖其

次定四事公与

時與之恭議或將兵至中塗夫人以為不可遣一介召

山堂肆考

美

起 之全忠即為之返 初晉司馬懿辭位詐以風痺不能起居偶曝書遇雨自 收書家唯 妻自執變 一婢見之妻張氏懼言泄乃手殺婢而自

金いとせると

卷九十四

契善治生

周

次善治生嘗諫大用法太嚴行逢怒鄧氏因之村墅遂

世宗以周行逢為武平節度使行逢妻鄧氏陋而

剛

時 郡 每遇得句黃氏中夜必先起燃燭供具紙筆元甚重之 村墅易為逃匿耳 井 輸 國 耶 雅 行逢欲與之俱歸不可曰公誅殺太遇一旦有 何以率下且獨 供具紙筆 譚王元苦病風月終于貧病妻黃氏共持 不記為里正代人輸税以免楚 雅梯 禍

と己り事を計り

山堂肆考

幸

就見之曰夫人何自苦如此鄧氏曰稅官物也公不

,歸行逢屢遣迎之不至一旦自帥

僮僕來輸

税

贱富贵累其心者吾妻之助也吾常與士大夫語謝氏 歐陽公為梅聖俞妻謝氏撰墓銘聖俞曰使吾不以貧 多從户 事之得失皆有條理吾官吳興自外歸必問曰今日孰 賢為今與是人飲而散 飲而樂乎聞其賢者也則悦否則嘆曰君所交皆 商確才能 視餅師 ,屏竊聽之又嘗與商確其人之才能賢否及時 耶

多月中人人子言

卷九十四

濟南李格非之女明誠卒再適非類未幾反目有啓與 漁隱叢話趙明誠清獻公抃之子妻清照號易安居士 養處厚云猥以桑榆之晚景配兹與會之下材傳者無 師 王乃歸之 否默然不對王召餅師使見之其妻注視雙淚垂頻 配組會

唐寧王憲宅左有賣餅者其妻織白明媚王

見屬意

因厚遺其大取之寵愛瑜等及環歲問之曰汝復憶餅

とこり声からう

山堂野考

ŧ

多 定四月全書 子曰如曰此並無所謂明誠者又觀葉文莊水東日記 不笑之有激玉集三卷行世按氏族大全趙姓下亦以 安為清獻之子婦又豈肯以桑榆晚景更適非類為天 下才之子當以葉説為是若以明誠為清獻之子則易 明誠是趙挺之子挺之附媚蔡京致位權要則宜有此 明誠為清獻公子及觀東坡所撰清獻公神道碑其 非類指張汝舟易安再適之夫也

宋孫明復居泰山之陽枯稿憔悴鬚髮皓白故相李廸 六帖安重祭娶二妻髙祖並拜封爵又王毛仲有两妻 上所賜者皆有國色 能甘淡泊

守衮見之嘆曰先生年五十一室獨居誰事左右吾弟

女甚賢可奉箕帚明復曰相家女不以妻公侯貴戚而

乃以嫁山谷衰老恭霍不充之人相國之賢自古無也

||予不可不成相國之賢遂娶之而李氏亦能甘淡泊事

山北華等

夫盡禮士大夫莫不賢之 欽定匹庫全書

作詩餞行

及召對自言不能上問臨行時有人作詩送君否璞曰 臣妻有詩一首云更休落魄貪杯酒亦莫猖狂爱詠

詩今日捉將官裏去這回斷送老頭皮上大笑放還山

蘇東坡云吾頃在湖州坐作詩追赴詣獄妻子送出門

皆哭無以語之顧老妻曰獨不能如楊處士妻作詩

俟鯖録宋真宗東封訪天下隱者得杞人楊璞能為詩

晉書鄭林妻石氏賢而有徳操見重于九族 大被賞之復答以詩 徹底空料想像郎無别意憶人常在不言中仁叔得詩 我乎老妻不覺大笑而止 **元吳仁叔妻韓氏仁叔業太學寄簡于妻妻拆簡乃白** 幅遂題詩返附之曰碧紗窓下拆緘封一 見重九族 題詩返附 一紙從頭

九己日東公野

山堂肆 考

my +

範方悟 謂曰田頭有應迹田尾有日炙乃汝之夫也後嫁曾崇 江南野史曹崇範妻初許聘數人其夫報死一夕夢 耕録程公鵬舉在宋季被勇于與元版橋張萬戸家 易履 許聘数人

曰觀君才貌非久在人後者何不為去計而甘心于

奴張以虜到官家女某氏妻之既婚三日即編謂其

動力四月白書

卷九十 四

與妻别三十餘年義其為人木宮再娶至是遣人攜向 VALUE IN LILE 解衣以寢殺然不可犯吾妻異之視如已女將半載以 張命出之遂賣與市人家妻臨行以所穿繡鞵一易程 君若去以成大羯否則終為人奴耳夫愈疑又訴丁張 此乎夫疑其試已也訴于張張命築之越三日復告曰 **履泣謂曰期執此可相見矣程感悟來歸宋時年上** 藥 履往與 元訪求心市家云此婦自到各家未當 以底補入官至元朝程為陝西行省祭知政事自 山堂牌考

多好四年全書 移文本省遣使檄興元路路官為具禮委幕屬李克復 問其所從來曰吾主翁程祭政使尋其偶耳尼出輕履 所成布正價原賣雞物乞身為尼見居城南某庵中所 示之合鱼拜曰吾主母也尼曰歸見程相公與夫人為 :護其車與至陕西重為大婦馬 致意竟不再出告以恭政未曾再娶亦不出旋報 渍衣 即往尋見以縣衣為由故遺襲履在地尼見之 7 卷九十四 詢

雨 河 弘 (間本處歷起里姐集里中婦女同舟避難冠追及: ·端廣舟次上流尸遂逆流附父舟推之不去移舟湖 濕更求衣冠信之更取衣三玉投水死冠曰湖者以 而上尸從之上者三父異甚視之則其女也因痛哭 以長年絡釣俟其雖而舉之尸竟不躍冠退三王之 做其尸 以水漬衣鬼視三玉有姿色欲先污之三玉給曰 録漳州龍溪縣澳里人陳端才之妻蔡氏三玉至

交足四軍全書

山堂即考

1

色李心菜馬一日李分兵往戌盗贼出沒處卒遂在行 耕録千夫長字某戌天台縣日 不忍二適 部卒妻郭氏有令

インセノノー

基九十匹

李日至卒家百計調之竟莫能犯經半載夫歸郭具白 其事因為所轄因敢誰何後夺過卒門卒邀入治茶忽

憶前事亟持刀出而李幸脱走訴于縣縣捕繁躬完案

持办殺本部官罪死卒在狱久之府檄調黃巖州

卒葉姓者至尤有意于郭氏乃顧視部卒情若手足

善未有妻汝可嫁之郭曰汝之死以我之色我又能二 獄門謂葉曰願與夫一再見葉聽入郭謂其夫曰君擾 適以求生乎既歸遂攜二兒出市名人與之邑人有憐 我子女也辛喜諾因謂郭曰我死有日此葉押獄性柔 之者納其子女贈錢三十絡郭以三之一具酒饌攜至 耳異以依顧我尚未娶首為我室則我之視汝子女猶 且謂曰汝萬一不保汝妻尚少汝子若女纔八九歲

卒感激入骨髓忽傳五府官至乃斬決罪囚者葉報卒

吹定四車全書

山堂肆考

P

分りロノノー 原卒之情釋之人遂付還子女卒亦終身誓不再娶 實為具棺斂葬于死所山下又申達上司表其墓曰貞 惡竟不為衝激倒仆人有見者報之縣縣官往 别 郭 垂泣而出走赴仙人渡溪水中危坐而死此水極 獄多矣可用此酒饌少答之又有錢若干收取自給 專奉遗屍 氏之墓至正丙戌朝廷遣使宣撫列郡庶得其事 富家執作為口食計恐旬日不及看君故也相 卷几十四 殿視

六十三妙用無人識逆順兩相忘虚空鎮常寂坐抱 神仙渺茫固未暇論而貞守一節乃可尚也 士服奉夫遺屍二十年迹不下山年逾七十幾于得 而逝方外者流謂之騎鶴化守素遂亦來髮簪冠着

士于吳山紫陽巷一日名守素入山書付四句云懶散

耕録王氏守索錢塘民家女其夫丁棄家為全真道

人已日本 公子

小堂母考

昌



欽定四庫

全書子部

群校官中書臣孫 洛 主事臣祁韻士覆勘

總校官降調編修臣倉聖脉 校對官助教臣上維古 腾绿監生 繆 漁

欠足四軍全書 = 諫其母其母田深山大澤實生龍蛇彼美懼其生龍 **灾四庫全書** 女無好醜入官則如又好女入室惡女之仇 一龍蛇 山堂野考 如叔虎之母美而不使其子 彭大張 採

山海經以鶴鷓為膳可以療其病使不思陛下盡試諸 梁武帝平齊獲侍兒十餘華 関妈于目為都后所察動 帝從之郄茹膳妬殆減半 東漢袁紹死妻酷妬殺紹寵婢五人又謂死者有知恐 皆有隔的慎悉成疾左右識其情者進言曰臣當讀 以禍汝注云不使不使叔虎之母見叔向之父也 髡頭 令茹鷄鶊

雜 填之焼鎖梁灼其两眼角以朱傳之及痂脫瘢如粒 帝怒斥為縣主 宜城公主下嫁裴兵兵有嬖妹主怒則耳劓鼻斷兵髮 見給于地中乃髡頭黑面以毀其形 **松稍佳崔怒曰汝好粧耶我為汝松乃刻其眉以青** 俎房孺復妻崔氏性忌左右婢不得濃粧高髻一好 劇鼻 刻眉

欠しりをいます

山堂肆考

宅安置 畏死不可以死恐矣朕尚不能禁卿其奈何二女令别 飲 今多內嬖誠不如死乞飲畫無他帝聞之謂壞曰人不 金牙四月全書 盡太宗聞之賜以金統酒云飲之立死不好即 野食載兵部尚書任環上賜二艷 處妾别 氏拜朝口妄與壞皆出微賤更相輔異遂致禁官 爛 髮 館 龙九十五 姬妻柳氏爛其髮 不 須

晉謝安夫人劉氏性如常諸婢令在前作伎使太傅暫 曾聞有蔡充兒也 塵尾柄驅牛而進司徒蔡謨聞之戲道曰朝廷欲加 館曹氏知而將往尊恐妄被辱遽命駕猶恐遲以所執 晉王導字茂引妻曹氏性如尊憚之乃密置衆妄于别 九錫導弗恰但燕退而已謨曰不聞餘物唯有短轅 長柄塵尾導大怒謂人曰吾往與產賢共遊洛中何 置婢隔帽

だんりらんき


山堂肆考

视 一金贞四月全書 拾遺記桓温平蜀以李勢女為妄喾著齊中妻南郡主 出惔因得留目 人樣每欲見妓常因稷請奏樂其妻問慢坐妓然後 見便令下悼太傅索更開夫人曰恐傷盛德 僕 柳惔性愛音樂而畏憚其婦女妓精麗者略不敢 射張稷與收押而為恢妻賞敬稷請後先相問 拔 坐幔出妓 刀襲妄 夫 仰

嘆美之即便大怒令奴取刀斫樹推折其花 武陽女嫁阮宣性絕如忌家有桃樹 籍地膚色玉輝不為動容徐徐結髮斂手曰國破家亡 宋梅聖俞有詠桓妬妻詩 擲 無 不知既聞與數十婢拔白刃襲之正值李梳頭髮委 心至此今日若能見殺乃是本懷對甚悽悅主于是 刀前犯之曰阿子我見汝亦憐何况老奴遂善待之 怒斫桃花 林花葉灼耀宣

火毛の野を動

山堂肆考



明 雜 見 圖王平生寵姬共照鏡狀如欲偶寢客使妈姆示妃 光性 君本願神吾今為神矣伯玉寤而畏之遂終身不 極之罵曰故宜早死于是思情即歇疾亦徐差 愁不為水神其夜乃自沉于津而死七日托夢伯玉 俎臨濟有好婦津相傳晉太始中劉伯玉妻段氏字 此吾無憾馬段氏曰君何 誦 好忌伯玉嘗于妻前誦洛神 赋 沉身 以水神美而輕我吾死 赋語其妻曰娶

プロンマー語 ノー・本につ

山堂中考

<u>5</u>

愛幸諸婦欲謀害其寵乃語馬氏曰將軍貴人也有氣 東漢司隷馮方女避亂揚州袁術見而悅之遂納馬甚 此 共絞殺馮氏繫之厠術誠以為不得志而死不之究 波暴發若配婦雖在飾而渡神亦不好也又并州壽陽 有 灾匹库全妻 人 水有婦人渡此水者皆壞衣素粧然後敢濟不爾風 汝當時時沸泣憂愁必長見欽重馮氏從之後諸 妬女廟蓋介之推妹也 寵姬 卷九十五

鈊

次定四車全書 舎 前妻乃李豐女豐被誅女離婚徒遇後赦還充先已娶 郭配女武帝特聽置左右夫人李氏別住外不肯還充 謂充私乳母即便殺之黎民戀念而死充遂無嗣又充 晉賈充後妻廣宣君郭视性如思初充子黎民方三歲 乳母抱之當閣黎民見充入喜笑充就而拊之槐望見 詐爱新人 疑殺乳母 山堂肆考

見官嬪 林李福妻裴氏性甚如福 許女奴 卷九十五 鎮滑臺有以女 奴獻者 福

5

右曰夫人沐必來告既告福乃佯為腹痛促名女奴 乎装曰未知公 謂裴曰吾官至節使指使者不過 所 願 者 福指所 献女奴装許諾 奴隷夫人得無 福 許我 胳

奴 方 亦以白裟裟處出髮盆中來問所苦福

左

即若不可忍狀裝乃以樂投小便中進之明

E

女

左

位帝乃止 監軍自來問候福具告之皆大笑 晉武帝太元中部選良家女以充後官使楊后選所取 宋延平吳氏姊妹六人皆如悍時號六虎其中五虎尤 扇障面語后曰卞氏佳后曰藩三世后族不宜枉以平 欠正日日という 后性妬不取端正美好唯取長白卞藩女有美色帝舉 不選美妃 不畏狂鬼 山堂外考

榻中庭持刀獨寢徹旦寂然人謂五虎之威鬼猶畏也 也馮有思妻自操并臼子亦有思妻家道坎軻三同也 東漢馮衍字敬通妻任氏如悍不畜媵妾兒女自操井 無問喧呼聲同室皆懼五虎怒曰狂鬼敢爾那關户移 甚平生手殺婢十餘人凡三適人皆不終夜分當聞堂 劉孝標云予與敬通有三同不遇一同也剛直二同 孝標三同

又藝文類聚馮敬通有一婢任氏擊之無所不至敬通

金只也因名章

卷九十五

大きの日から 恨卒無嗣 宋趙縣間見録王文穆公夫人悍妬貴為一品不置 家不樂不去此婦則事不成吾數竒命海偶相遭逢 不去此婦則家不清不去此婦則福不生不去此婦則 曰 可改作四畏公問其說答曰兼畏夫人王深以為 遣其妻因與妻弟任武達書曰不去此婦則家不寧 欲置左右人竟不可得宅後作堂名三畏楊文公戲 文穆四畏 山堂拜考 姬

推好于墓中經十年及母亡開墓其婢伏棺上如生載 生子恐世無此理 或作于實愚謂在墓中十年乃復甦起而復嫁嫁而又 晉干寶字令升父瑩有寵婢母甚如忌及父亡母乃生 語之考校悉驗地中亦不覺惡既而嫁之復生子寶嘗 無鬼論至是始悟幽冥之理作搜神記三十卷千寶 經日乃甦言實父常股飲食與之家中有吉山事飢 推婢入墓 金少口用石草

KEDDISE LIKES 唐莊宗有愛姬生子后患之一日元行欽侍上側上問 Ð 爾新喪婦復娶乎吾助爾聘后即指愛姬請曰帝 太傅劉夫人性如不令公有别房公深好聲色後頗 拜起顧姬肩與出官矣莊宗不樂稱疾不自得者累 欽何不賜之上不得已陽諾之后越行欽拜謝行欽 與姬出宫 稱詩致諷 山堂拜考

剑穴四座全建 晚歲戰劉郎不須戚威如馮行但與時時說李陽按 畏之害求無東坡書扇坡題云披扇當年笑温崎握刀 宋孫公素昔為程宣戲門客後娶程公女性極好孫甚 詩必無此也 詩答云周公夫人曰周公是男子相為爾若使周媼 獮 欲置妄兄子外甥等微達此古共問訊劉夫人因方便 嗣 因詩寓朝 雕螽斯有不思之德夫人知以風巴乃問誰換 卷九十五 榽 此

大臣可臣小野 告絕邀疑門下生仇玄違為妻所作乃斥去玄達玄達 奔孫思遂害邈 晉謝邈為吳與太守妻都氏性如以邀娶妄怨彭與書 李陽亦謂卿不可郭氏之妬小為之損 樓龍郭氏憚之夷甫縣諫其妻乃曰非但我言卿不可 之而不能禁時鄉人幽州刺史李陽京都大俠猶漢之 說王夷甫婦郭泰寧女才拙而性剛聚斂無厭夷甫患 怨夫娶妾 山堂律考


金贝四周任意 于薛兒亦不育此婦女如惡之報也 疾而亡越三年自孕將産夢抱此兒及娩得男隨自殞 女恐其長大分我財産遂于襁褓中酷加凌虐致成熟 王氏聞之早夜罵詈君實不得已遣其妄取兒以歸而 女贅謝李初為肾君實納一妾于嘉與外舎生一 耕録華亭楓涇戴君實家富妻王氏如悍無比僅有 馬夫納妾 卷九十五 男

家語曾祭後母遇之無思供養不衰其妻以蒸梨不熟 家語後序自叔梁紅始出妻及伯魚亦出妻子思又出 妻故稱孔氏三世出妻 淫解者嫉妬者惡疾者多口舌者竊盗者三不去謂 家語婦有七出三不去七出謂不順父母者無子者 有所娶無所歸與共更三年之丧先貧賤後富貴也 **骨子出妻** 孔氏出妻

とこうは シスラー

山里十号

曾子曰高宗以後妻殺孝已尹吉甫以後妻放伯奇吾 |金庆四月全書 東漢王吉居長安東家有東樹垂吉庭中吉婦取啖之 上不及吉甫庸能免于非乎 因出之人曰非七出也參曰蒸梨小物耳吾欲使熟而 不用吾命况大事乎參既出妻終身不娶其子元請馬 知怒婦乃出之東家聞之伐其樹鄉都勘吉還婦 姜詩出奏 王吉出妻



唐嚴灌夫娶毘陵慎氏名三史十 年無嗣乃出之妻為 弟不可以承宗祀叱而遣之婦涕泣出門去 賓至充從座中跪白母曰此婦無狀教充離異母與兄 獨居人多費極無為空自窮也充曰可會鄉里共議及 併日而食其妻竊謂充曰今貧如是我有私財可分異 東漢李充字大遜兄弟六人貧無擔石之儲易衣而出 教離出妻 嗣 出妻

卷九十五

李元素後娶石泉公王方慶之孫女前妻子皆不肖而 逢從此去不堪回首望夫山灌夫有感遂為夫婦 于朝免元素官且今界王背五百萬 元素溺姬侍王不見答元素久疾益昏惑遂出之王訴 罵婢出妻 婢出妻

詩以别曰當時心事已相關雨散雲收一

晌間便掛孤

次定四車全書


唐李迎秀妻罵媵婢母聞不樂迎秀即出其妻或問之

山堂肆考

<u>+</u>


金りロル 答曰娶婦欲以事姑首違顏色何可留耶 禮曲禮嫂叔不通問注云無問遺之往來也 作 空也兄亡獨有嫂也或云丘大也長嫂之稱史記 儀禮嫂者尊嚴之稱漢書注西方謂亡嫂為丘嫂 嫂不為炊 嫂不通問 E 嫂叔 已下嫂 卷九十五 丘 丘


道 次足四軍全書 禮雜記嫂不無叔叔不撫嫂注云撫死而撫其尸也嫂 中獻之前議客不能屈 晉王疑之弟獻之當與賔客談論詞理将屈凝之妻部 权遠姓故皆不撫 **蘓春出游數歲煩頓而歸妻不下機嫂不為炊** 報遣婢白獻之欲為小郎解園乃施青綾歩障自敬 不撫叔尸 為解权園 山堂肆方 古



食 CEDIOL LIAM 位者惟嫂叔盖無服者所以遠男女近似之媽而為位 禮檀弓子思之哭嫂也為位婦人倡踊注云無服而為 糠數耳有叔如此不如無有伯聞之逐其婦而棄之 記陳平少獨與伯兄居伯常耕田縱平使游學人或 云糠敷麥糠中不破 平口貧何食而肥若是其嫂嫉平不視家生産曰亦 哭嫂為位 以為兄弟内丧之親 已下权 山堂郎考 者


£






夫人臨終以小郎囑新婦不以新婦囑小郎急捉衣裙 晉謝朗父據早卒朗總角時病新起體贏未堪勞於叔 之弟也 父安前與沙門支通講論遂至相苦安嫂王氏再遣信 姆路上擔糞平子諫之以為不可郭大怒謂平子曰昔 世說王平子年十四五見兄王夷前妻郭氏性貪鄙令 與杖平子饒力争得脫瑜窓而走按平子名澄夷甫 舉嫂詞情

卷九十五



金好四庫全書 妻為姒豈計夫之長幼乎 妻為如然公羊傳諸侯娶一國二國往滕以姪姊從 世人疑娣如之名皆以兄妻呼弟婦為娣弟妻呼兄 娣者何弟也是以其弟解娣自然以長解姒長謂身 如又叔向之嫂謂叔向之妻為如二者皆呼夫弟之 之年長非夫之年長也左傳楊姜不以聲伯之母為 冢介 妙




金グログノッド 唐高宗以太平公主適薛紹武后以紹兄顗妻前氏非 稱鍾夫人之禮郝夫人之法 門高與郝氏相親重都不以賤下鍾鍾不以貴陵都 且當命主家事不可改因相持泣乃如初 亡弟婦籍資財納管鑰于姒光進命返之曰娣逮事姑 王司徒渾妻鍾氏字琰與弟湛妻郝氏皆有德行琰雖 稱有禮法 為妯娌 卷九十五 時


封丘太祖告之后遽見瑾妻瑾妻再拜后亦拜惧然泣 貴族欲出之曰我女豈可與田舎女為如理耶或曰蕭 如生男按伯石即楊食我夏姬之女所生也 左 五代梁太祖破朱瑾納其妻以歸皇后張氏迎太祖于 氏瑀之姪孫國家舊姻乃止 的二十八年伯石始生子容之母走謁諸姑曰長叔 送如為尼 妙生男


欠しりをという

山堂肆考

ヤルー







伯夷叔齊孤竹君之二子父欲立叔齊及父卒伯夷遜 荆蠻文身斷髮示不可用以避季歷 萬章曰象至不仁封之有庫 吳泰伯與弟仲雅皆周太王之子季歷之兄也季歷賢 而有聖子昌太王欲立季以及昌于是泰伯仲雅乃奔 尊命重倫 奔于荆蠻 封之有庳

たこりらいます

山堂郎考

中子名仲遼 曰 才亮茂雅度引毅濟世之器也昨日仲将來懿性昌實 東漢韋元將弟仲將孔融與其父書曰前日元将來淵 名台伯夷名名字公信叔齊名智字公達夷齊其諡也 叔齊口父命也遂逃去叔齊亦逃國人立其中子朱子 伯夷以父命為尊叔齊以天倫為重按孤竹君姓墨 敏篤誠保家之主也不意雙珠近出老蚌 濟世保家

金 穴 四 库 全 連

とこつら とれっ 日受拜命時云兩鳳連飛 北齊崔陵字長孺為侍郎弟仲文為銀青光禄大夫同 旗子雅之子二惠謂子尾子雅旨齊惠公之孫也 惠競與猶可又弱一箇馬姜其危哉注云竈即子雅子 左昭三年齊公孫竈卒晏子曰惜也子旗不免殆哉二 讓弟田宅 競典 山堂建考

置買田宅而弟畫破其產復分與弟 胡傳吳子壽夢有子四人長諸樊次餘祭次夷昧礼其 田園奴婢分與二弟但佩印而已 東漢陰慶為朝陽侯其弟員與丹皆為郎慶推其居第 餘口田宅財物皆與弟式入山牧羊十餘年得羊千餘頭 漢卜式以田畜為事有弟既壯式乃脫身出獨取羊百 逃僚 推弟田園


金历四月 全電

卷九十六

乎季子季子不受去之延後終身不入吳國 樊諸與既除丧則致國于季子又解而去之諸姓乃舍 子光曰将從先君之命則季子宜有國也如不從先君 父兄之志矣乃解位以逃夷昧之子僚僚既立諸拱之 餘祭卒而夷昧立夷昧卒則季子宜受命以安社稷成 其子而立弟約以次傅必及季子故諸與卒而餘祭立 季子也壽夢賢季礼欲立以為嗣礼解不可然後立諸 命則我宜立僚惡得為君于是使專諸刺僚而致國

. J. 1 ... J. LL ...

山里中多




産業二弟請假東歸輜重十餘船皆綿絹紙席之類顗 從乃為傭得錢帛歸與兄曰物盡可復得為吏坐贓終 去按顗一作凱 正色曰汝雖忝為士流何至東還作贯客耶命烧畫而 南史孔顗字思遠為司徒長史弟道存與從弟徽頗管 身捐棄兄感其言遂為庶潔 甘美分遗 怒弟管産

次定四軍全書 !

山堂肆考

A

易衣而出長不肯娶謂弟曰吾與若狐惸相育既娶則 唐陽城字亢宗舉進士第後隱中條山與二弟将域常 乃分俸禄以給之四時送衣下至脂燭所食有甘美鄉 東漢孔奮字君魚茂陵人篤骨肉弟奇在洛陽為諸生 分减遗奇 外姓雖共處而亦肆我不忍為弟義之亦不娶終身 孤惸相育 欲成弟名 卷九十六



唐明皇賜諸王憲等書魏文帝詩云西山一何高高高 藝文告我兄弟如鸞如龍喻兄弟之野也 **衮性不畏病遂親自扶持畫夜不寐十有餘旬疫勢既** 歇家人乃返毗病得蹇家亦無恙 殆父母諸弟好出次于外家獨留不去諸父强之乃曰 晉庾察字叔褒咸寧中大疫家二兄俱亡次兄毗復危 燻龍 羽翼

金牙口及名章

魏祚未終司馬氏奪之豈神九效耶 東漢靈帝時復治鉤黨張儉與魯國孔褒有舊亡抵褒 不遇褒弟融年十六匿之事泄儉亡走國相收褒融送 五色服之四五日身體生羽翼朕每念此寧如兄弟天 羽翼乎陳思王才足以經國家絕其朝謁卒以憂死 無極上有兩仙童不飲亦不食賜我一九樂光輝有 融爭死

飲定四車全書 | T

未知所坐融曰保納舎藏者融也褒曰彼來投我非

山堂肆考

之罪而平與安國各引首就刑讓生競死義形急難 其寡嫂李氏平與弟安國殺之郡縣按平兄弟以殺人 崔鴻南燕録有司奏沙門僧智夜入臨淄人冷平舎淫 决乃上藏之詔獨坐褒 弟之過母曰家事任長妄當其辜一門争死郡縣不能 東漢賈彪字偉節兄弟三人並有高名而彪最優時種 三鳳 冷平讓生 卷九十六

选 學 號 西 州 五 鳳 部侍郎邁之子又宋永康人謝發有五子固田因圓困 龍

買氏三鳳唐薛元敬少與從父收族兄德音齊名時稱

河東三鳳收字伯褒隋內史侍郎道衡之子元敬隋逐

一た。こりをとう

靖字叔慈纛字慈光汪字孟慈典字慈明肅字敬慈办

山鳖印考

南男也站有名稱時謂首氏八龍儉字伯慈祝字仲慈

東漢首淑字季和賴陰人有子八人曰儉視靖康汪與

龍見父類 **昕字元景生九子並風流醖籍世號王氏九龍梁柳世** 並 生四子亮叔訓秀皆為牧守號四龍晉下粹兄弟六人 次子谈與兄悅齊名王儉稱為柳氏二龍宋韓氏八 至宰輔世稱下氏六龍轅門二龍見將師類後魏 微稱平與之湖有二龍馬李元禮祖太尉修安帝 アロル 日書 幼慈又許劭字子將汝南平與人與兄虔亦知名謝 共被而寢

見親王 大百日至三十二 家之珍寶國之英俊乞自受戮以代兄命盗兩釋之 幼父母所憐又未娶願殺身濟弟季江曰兄年德在前 聞常共被而寢一日俱詣郡夜遇盗欲殺之肱曰弟年 漢鍾皓以二兄未顯故不受公府之辟又童恢弟 因兄解辟 同被而寢 山堂肆考 翊

東漢姜肱字伯淮彭城廣威人與弟仲海季江以孝友

金好四周石章 食孝弟禮為餓賊所得孝聞即自縛詣賊曰禮久餓羸 東觀漢記趙孝字長平沛國人王莽時天下荒亂人相 唐杜牧分司東都因弟覬病棄官 孝廉魯恭憐弟平欲就其名乃託疾不仕 名高于恢宰府先辟之翊伴暗不就仕及恢被命乃就 瘦不如孝肥餓賊大艦駭並釋之 詰賊救弟 因弟棄官

蜀志馬良字季常眉有白毫兄弟五人並有才名諺曰 てこひら とかっ 謖字幼常好論兵後有街亭之敗 馬氏五常白眉最良先主辟為荆州從事位至侍中弟 願代兄城義而不啖 東漢倪的臨淄人遭歲兵荒與兄俱出城採疏為亦眉 所得欲殺啖之前叩頭言兄年老羸瘠不如前肥健 五常 叩贼免牙 山堂津考

一到 员四 库全書 晉劉宏字終嘏兄粹字純嘏弟演字冲嘏並在中朝世 珣右時人語曰法護非不佳僧彌難為兄耳珣字元琳 晉王珉字季琰小字僧彌洽次子也少有才藝名出兄 語曰洛中雅雅有三战 字法護治長子也 名出兄右 名與弟齊 三嘏 卷九十六 **猜二三年人無知者額弟都載練帛追餉之馥不受曰** 變形入林慮山隱姓名為冶家傭親突烟炭形貌毀瘁 東漢夏馥為中官所忌詔下州郡捕為黨魁馥乃剪髮 公以其經明學修薦為學官 識兄沒陽

管師復自號白雲先生與弟師常齊名宋熙寧間陳襄

火足四年入告


弟奈何載禍相鉤乎委之而去後静在湼陽市中遇馥

不識聞其言聲乃覺而拜之稱東坡和弟轍詩別期

山堂肆考

風俗通吳文章少孤其兄伯武相失二十年後會兄于下 盡語音存按末二句正用馥事 手不能舉大自駭也因投杖于地相問乃其兄也 邳爭市計共聞伯武殿文章文章欲報擊之心中馆悽 近不堪聞風雨滿滿已斷魂猶勝相逢不相識形容變 漢嚴延年兄弟五人皆有吏才至大官東海號其母曰 皆有吏才 會兄下邳

金少口尽石丰



第 私自比東晉王謝曰吾一門入仕歷宦未嘗不為天下 帖唐崔湜與弟液澄從兄拉並以文翰居要官每宴 · 語記京兆人田真與弟廣慶三人共分財各居堂 分荆

真騰謂二弟曰荆本同株當分析便憔悴况人兄弟而

離是人不如木矣兄弟相感復合荆亦復茂又周景

有紫荆花一株甚茂共議破而為三至明旦即枯

金牙口屋石湯

篇章對惠連軟得住語嘗于永嘉西堂思詩竟日不就 劉宋謝惠連十歲能屬文族兄康樂賞燰之嘗曰每有 忍夢見惠連即得池塘生春草園柳變鳴禽曰此語有 助非吾所能及也 萝草 二茚孰賢

陰嘆曰木猶欣聚况我兄弟而殊異哉復相與雜和

式孝子傅古有兄弟意欲分異出見一

荆同根接禁連

火足の事を苦し

山堂肆考

I

梁周引正字思行幼孤與弟引讓引直俱為伯父拾所 孰賢章曰二首皆玉也慈明外朗叔明內潤慈明與字 東漢首靖與弟與俱有才名或問汝南許章曰與與 明靖字 **引正配而不陋吃而能談談許似優剛賜似直善玄** 一周孰賢

昆或謂三周孰賢人曰若蜂腰矣又沈沖住齊為御

理為當世所宗自稱有才無貌引直方雅氣調高于次

|舉首次獨字駒父第進士放浪江湖不求聞達有詩干 宋洪師民四子長朋字龜父有詩百篇句句可傳為郡 見妻 餘篇及前後老圃集靖康中為諫議大夫坐事貶海上 中丞與兄淡深名譽有優劣世號為腰鼓 龜駒玉鴻 封胡羯末

大きりを から

次炎字五父登第于元祐末武吏于紹聖初官至著作


山堂印考

+ 59

晉陸雲崑山人六歲能屬文與兄機齊名雖文章不及 與問朝廷官其一子按師民娶黄山谷女弟四洪皆山 玉鴻洪千載望四謝四洪天壤同 兒若非龍駒便是鳳雞 而持論過之號二陸幼時吳尚書閔鴻見而奇之曰 甥也潘邠老作洪氏倦殼軒詩云封胡羯末謝龜 秘書少監次羽字鴻父元符末入黨籍遂終其身給 駒鳳雞 肠

金切四周石書

欠毛の巨いる 更視雙壁按暗字道暉恭之字季順 魏陸晴與弟恭之並有時譽洛陽令見之曰僕已年老 銓錫為玉昆金友按銓字公衡錫字公嘏 梁王琳二子銓錫銓雖學不及錫而孝行齊馬時人以 南史孟泉與弟鼠並美風姿時謂之雙珠王勃與兄劇 雙珠 雙壁 玉昆金友 山堂肆考 <u>†</u>




謂魏世祖文帝不與弟陳思王植也 陳思求而不得臣愚不請而得何否泰之相遠也魏王 恨與兄別籍每于縣祗奉户課或謂之曰何不與給事 唐劉仁軌既宦连其弟仁相在鄉曲升沉不同遂構嫌 大笑曰二曹以才名相忌吾與汝以道德相親按二曹 魏孝武宏假彭城王魏中軍大將軍以伐齊王解曰昔 道德相親 沉構怨

とこりる ハイラ

山堂肆考

+

到灾四库全事 温大雅在隋與顏思魯俱在東宮其弟彦博與思魯弟 嘗謂人曰常趙兄弟人之杞梓 為禮官縉紳荣之時趙冬曦兄弟亦有美名張燕公說 唐常述與弟直迪學業相亞述與直對為學士與迪並 耶 同籍五品家當免差科仁相曰誰能向狗尾底避陰凉 常趙 温 奝



宋文帝元嘉中吐谷渾王阿柴有子二十人疾病召諸 立然後應水怪其遅雄曰向東帯未竟 南齊劉璡兄瓛夜隔壁呼璡共語璡不答及下牀東帯 均愛馬議者比王祥王覽 唐常嗣立與兄承慶異母少友愛母王氏遇承慶嚴每 答之嗣立解衣求代母不聽即遣奴自答母感悟遂 束带答兄 取箭授弟

金罗四屋石書


家 前凉録辛攀字懷遠與二兄鑒曠弟寶迅皆以才識知 名秦雍語曰五龍一門金友玉昆 則易折衆則難推汝曹當戮力一心然後可以保國寧 十九箭便折之不能折阿柴乃諭之曰汝曹知之乎孤 五辛才識 一劉文詞

子令各取一箭授弟慕利延使折之慕利延折之又取

大きりをという

山堂肆考

さ



儀等坐誅解不連植黄初之世數有貶削方其責躬上 全可謂仁且智矣文中子曰至哉思王以天下讓真寫 表求以自試兄不見察而不敢廢恭順之義卒以此自 後村云曹植以益代之才他人猶爱之况于父乎使其 為衣冠光煒 孔帖薛猫河中人開元天實中兄弟七人皆擢進士第 加智巧奪嫡猶反掌耳植素無此念深自飲退雖 恭順處兄


次定四章全書 🌹


山堂伴方

論也 **啖今日之事苦不見及耳若得同歸九泉猶羽化也** 綽所在享士并前代故事收殺之僧綽弟僧度為司徒 南宋太子劭弑文帝義隆自立後檢文帝巾箱得王僧 王曇首太保引之弟幼有素尚兄弟分財曇首惟取圖 親咸勸之逃僧處泣曰吾兄奉國以忠貞撫我以慈 慈燰撫弟 惟取圖書

ラロガスキー

卷九十六





登輔相五任大寮太常卿が太府卿野外臺尚書郎郎 唐貞元以來言家法者以博陵崔倕為首倕生六子 兄弟同幕時人榮之未幾同為御史 宅同居

唐西川杜暻辟楊收為節度判官收弟嚴為觀察判官


光德里一宅宣宗嘗嘆曰崔鄯家一門孝友可為士族

山堂肆考

欠百日至 八十

貢舉得士七百四十人兄弟六人自始任至貴達同居

尉卿郎執金吾都左僕射平章事即而郊及歐五知




崔鴻後秦録姚襄與李歷戰馬中流矢死弟長下馬以 韓穆二門云韓謂韓休 顯兄弟和粹世以珍味目之替必俗然有格為酪質美 而多文為酥員為醍醐賞為乳腐貞元間言家法者稱 中丞質右補闕員侍御史賞監察御史皆以守道行誼 移秘监寧懷州人當撰家令訓其子子四人賛御史 下馬授兄 酥雕乳

とこりはという


山堂畔考

Í



爵郎中李武同省號為三宿 唐常权諮貞觀中為庫部郎中與弟吏部郎中叔謙主 星為聯珠集行于世 飲定四庫全書 唐閻立本代兄立德為工部尚書兄弟相代為八座時 人柴之 時號三宿 代為八座 益居兩省 Ī

嘉祐相恃以長今為鄯州別駕願內徒使少相近盡力 唐岑文本弟文昭任校書郎多交輕薄帝不悦謂文本 報國死無所憾帝為從嘉祐忻州刺史 日卿弟多過朕將出之文本日臣少孤母所鐘念者弟 唐張嘉貞奏事京師玄宗數慰勞嘉貞自陳少孤與弟 劉備之為左史懿之為給事中兄弟竝居兩省 憂弟外潭 乞弟内徙



おりせ 第二人下築鍾山有終馬之志劉孝標稱之日詩超超 越俗如半天朱霞畝矯矯出塵如雲中白鶴皆歉歲之 梁劉献字子元博學能文族弟詩字彦度幼稱純孝兄 皇祐初進士官至大中大夫 且曰人生飽暖之外骨肉交歡而已其後兄子康民登 宋陳卓咸寧人有田五千兄田止一千願合户而同之 稷寒年之纖續也 俗超塵 卷九十六

て こり 巨 とこう 與亮公朝相見退無私面按瑾字子瑜誕字公休 國時以為蜀得其龍吳得其虎魏得其狗又瑾嘗使蜀 孔分立門天不墜斯文俱來集臺省 殺前 俱以才名播天下黄山谷贈詩曰二燕上連璧三 **蘓東坡與弟子由及孔文仲經甫與弟武仲常南平仲** 國諸葛瑾仕吳弟亮仕蜀誕仕魏拉有盛名各在 仕吳仕蜀 連壁分門 山堂拜考 孟

金页四届全書 仕宋仕元 卷九十六

宋文文山公死宋而其弟璧號文溪者附元當時有詩 云江南見說好溪山兄也難時弟也難可惜梅花有心

中死亡治命以弟璧之子附為後至元皇慶中附復仕 為集賢學士奉使賴州道卒時有挽之者云地下修 向暖北枝寒文文公二子道生佛生皆以流離

也而一為元伐宋期于削平一奉宋抗元志存社稷


同父子人間讀史各君臣又張犯範張世傑本兄弟

以陪玉皇上帝下可以陪平田院乞兒弟子由少許可 **蘓東坡汎愛天下無賢不肖歡如也當有言曰吾上** 皆以兄病解不赴富文忠公青之日臺省清貴人所難 得小官出常調何必苦解公曰富貴有命 買文元守北都辟掌機密後朝廷又名編校秘閣書籍 宋范純仁伯兄純祐久病公侍湯樂如孝子之事嚴父 戒兄擇交

侍兄解名

とこりに シード

山里丰



一種子由曰轍幼從子瞻兄讀書未當一日相舎既壯宦 之乃相約早休為間居之樂其後熙寧十年二月始會 云逍遥堂後千尋木長送中宵風雨聲誤喜對狀尋舊 于澶濮之間留百餘日宿于逍遥臺追感前約作小詩 不知漂泊在彭城又云秋來東閣凉如水客去山公 四方讀常稱州詩那知風雨夜復此對牀眠惻然感 似泥困睡北窓呼不醒風吹松竹雨凄凄 相約早休

次定四軍全書

山堂肆考

圭

成先生以將作監丞退休年皆八十詩酒相娱者終其 宋韓獻肅公絳兄弟天性友愛自忠憲公為两府大臣 宋周益公名必大字子克盧陵人以太傅退休其兄乘 未有也按忠憲乃獻肅公之父億也 至公兄弟同時為宰相近輔者三人公將歸許而兩弟 自ジモル 亦皆七十同時請老朝廷雖未之許其為禁盛前古 詩酒相 時請光 娯 卷九十六

希有之事也 從于泉石之間皆年近九十真人間至樂之事亦人間 身又章泉趙昌甫兄弟亦俱隱玉山之下蒼顏華髮相 清白相勵

宋李綸提舉廣東常平適伯兄維守思平酌别江濱兄

相勵以清白綸臨江矢言曰儻負君民有如此水遂

盃於江盃停不没者久之觀者驚嘆民歌曰石門之


水清且清晉吏一軟千古紫争如李公投盃嬰江流洶

六二

火足口草合

山堂肆考

沔 淚握手臨別有詩意雪鶴鍋相並影號風鴻鴈不成行 黄山谷滴點州嘗書萍鄉縣壁曰兄元明自陳的渡漢 蜀許靖字文休必與從弟的俱 沟盃停停 郡 上爽峽過一百八盤沙四十八渡送余至摩園山掩 **5日月白潭** 功曹排 許幼排 元 明送弟 , 獨靖不得盛叙馬磨自給按劭字子將 兄 龙九十六 知名而 私情不協的為



氣自若 宋王魏公有弟傲不可訓一日遇冬至祠家廟列百壺 簿在坐正色曰克即廬江人所聞異于此敦默然克神 坐稱家兄作郡定住廬江人士咸稱之時何克為敦主 世說晉王含作盧江郡貪濁狼籍王敦馥其兄故於衆 感弟為善 護兄肆貪 卷九十六

于堂弟皆擊破之家人惶駭魏公忽自外來入見酒流

分りモル

